

40 rapaces de Gondomar reciben formación profesional gratuíta no concello.

Escrito por Redaccion @valminorinfo
Xoves, 21 Xuño 2012 18:10



Un total de 40 rapaces adquirirán formación profesional nos sectores de xardinería e hostelería e realizarán prácticas en empresas da zona grazas a posta en marcha de dous cursos organizados e financiados integramente polo Concello de Gondomar. A iniciativa, segundo informaron os concelleiros responsables Ignacio Troncoso e Natalia Salgueiro, está deseñada pola Concellaría de Xuventude en colaboración con Formación e Emprego, e persegue non só a cualificación profesional dun sector poboacional que rexistra os peores datos de desemprego do Estado, senón tamén a súa incorporación ao mercado laboral.

Estes dous cursos, inscritos dentro das accións formativas promovidas anualmente polo Concello e dirixidos a mozos e mozas de entre 16 e 35 anos (con preferencia para os veciños en situación de desemprego), teñen carácter gratuíto. Están estruturados en dous módulos, unha primeira parte teórica-práctica nas instalacións do Concello e, unha segunda, que se desenvolverá en diferentes empresas do sector.

Curso de xardinería

40 rapaces de Gondomar reciben formación profesional gratuíta no concello.

Escrito por Redaccion @valminorinfo
Xoves, 21 Xuño 2012 18:10

Despois de que o pasado venres 15 de xuño concluíse a formación teórica do [curso de xardinería](#), cunha valoración moi positiva dos asistentes, este luns 18 arrancou o apartado práctico nas empresas. Cómpre destacar que este curso, impartido por pola empresa Formagal, ten unha duración de 100 horas, das cales o 60% están destinadas á formación teórico práctica nas instalacións do Concello e o 40% á estancia nas empresas. O número de solicitudes para participar superou amplamente as 20 prazas ofertadas.

Curso de camareiro

Por outra banda, o pasado luns 18 tamén comezou a impartirse o [curso de camareiro](#), cunha duración de 100 horas, das cales 50 se destinan á formación teórico/practico nas instalacións do Centro de Desenvolvemento Local e outras 50 horas en diferentes establecementos hostaleiros da zona do Val Miñor. Tamén neste curso o número de solicitudes superou o número de 20 prazas permitidas.

O concelleiro centrista, Ignacio Troncoso, valorou moi positivamente este tipo de accións formativas, "xa que con elas non só se pretende contribuír á formación dos máis novos senón que tamén se pon a súa disposición a posibilidade de incorporarse ao mercado laboral coa realización de prácticas en empresas".